

Ako Vam je neophodno, imate pravo na usluge prevodioca. Molimo da nas prilikom zakazivanja pregleda obavijestite o potrebi za prevodiocem. Zdravstveni djelatnici će nakon toga angažirati prevoditelja iz prevoditeljske agencije.

Za novopridošle osobe u Švedsku

Tražioци azila starosti najmanje 18 godina i koji imaju važeće LMA kartice imaju pravo na „trenutnu zdravstvenu zaštitu i neodložnu njegu“. Liječnik odlučuje je li ili nije neophodno pružiti zdravstvenu zaštitu za bolest ili ozljedu. Ista pravila važe za hitnu stomatološku pomoć kao i za hitnu pomoć.

Djeca mlađa i omladina mlađa od 18 godina koji traže azil imaju ista prava na zdravstvenu zaštitu kao i djeca i mladi koja žive i koji su registrirani u Švedskoj. Kantonalno vijeće čak pruža besplatnu zdravstvenu zaštitu i tokom navršene 19. godine.

Trudnice koje traže azil imaju pravo na porođaj i postporođajnu zaštitu, što je također besplatno. Imate pravo i na savjet u vezi kontracepcije, kao i medicinsku njegu u slučaju abortusa. Ova njega je također besplatna.

Novčane naknade za tražioce azila

- Liječnički pregledi u primarnom zdravstvenom centru ili medicinska njega uz uputnicu koštaju 50 kruna.
- Ostali zdravstveni tretmani koštaju 25 kruna, uz uputnicu liječnika koji radi u sustavu javnog zdravstva.
- Ukoliko hitnu pomoć ili specijalističku ordinaciju posjetite bez uputnice, morate platiti standardne troškove pacijenta.
- Tražioци azila imaju pravo na besplatno putovanje do i od zdravstvenih ustanova koje je Kantonalno vijeće stavilo na raspolaganje. Za putovanje u jednom pravcu platićete maksimalno 40 kruna.

Zapamtite da morate pokazati svoju LMA karticu prilikom ostvarivanja zdravstvene ili stomatološke zaštite. Isto vrijedi i prilikom kupovine lijekova na recept u apoteci, i u zdravstvenom putovanju.

Informacije se mogu pronaći na različitim jezicima na web stranici Ureda za regionalno socijalno osiguranje, na www.forsakringskassan.se/privatpers/ny_i_sverige
U Uredu za regionalno socijalno osiguranje možete i zakazati telefonski razgovor na deset različitih jezika. Ako pozovete 0771 524 524 možete dobiti informacije na engleskom jeziku.